



MODIFICACIÓN DA RESOLUCIÓN DA XEFATURA TERRITORIAL DA CONSELLERÍA DO MAR DE VIGO POLA QUE SE AUTORIZA O EMPREGO DA LISTA DE RESERVA XURDIDA DA RELACIÓN DEFINITIVA DE PERSOAS NON SELECCIONADAS PARA TER ACCESO AO PERMISO DE EXPLOTACIÓN PARA MARISQUEO A PÉ NA CONFRARÍA DE VILAXOÁN

ANTECEDENTES

Primeiro. A Orde do 21 de decembro de 2020, pola que se aproba o Plan xeral de explotación marisqueira para o trienio 2021- 2023, aproba o plan de explotación de moluscos bivalvos na modalidade a pé da confraría de pescadores de Vilaxoán no que se contempla a ampliación de permisos de explotación para o marisqueo a pé, ata acadar o número máximo de 70 participantes.

Segundo. Mediante Resolución do 1 de xuño de 2021 convocouse un proceso selectivo para a cobertura de dúas (2) prazas de marisqueo a pé para o exercicio da actividade extractiva no ámbito territorial do plan de explotación conxunto, modalidade de a pé, na confraría de pescadores de Vilaxoán.

Terceiro. Mediante Resolución do 21 de xaneiro de 2021, da xefa territorial da Consellería do Mar en Vigo, publícase a relación definitiva de aspirantes seleccionados e non seleccionados para o acceso ao permiso de explotación na modalidade de marisqueo a pé para o exercicio da actividade extractiva no ámbito territorial da Confraría de Pescadores de Vilaxoán. A lista de non seleccionados constitúe unha lista de reserva, que poderá ser empregada para cubrir as prazas vacantes que se produzan durante o ano da súa vixencia.

Cuarto. O 16 de febreiro de 2022 a Confraría de Vilaxoán solicita o emprego da lista de reserva para cubrir unha (1) praza vacante xurdida pola xubilación dunha mariscadora. Autorizouse o emprego da lista de reserva para cubrir esta praza, mediante Resolución da Xefatura Territorial da Consellería do Mar en Vigo do 17 de febreiro de 2022.

Quinto. O 21 de abril de 2022 a Confraría de Vilaxoán solicita o emprego da lista de reserva para cubrir unha (1) praza vacante xurdida pola renuncia ao permiso de explotación dunha mariscadora. Autorizouse o emprego da lista de reserva para cubrir esta praza, mediante Resolución da Xefatura Territorial da Consellería do Mar en Vigo do 28 de abril de 2022.

Sexto. O 5 de decembro de 2022 a Confraría de Vilaxoán solicita o emprego da lista de reserva para cubrir dúas (2) prazas vacantes. Autorizouse o emprego da lista de reserva para cubrir estas prazas, mediante Resolución da Xefatura Territorial da Consellería do Mar en Vigo do 7 de decembro de 2022. Unha das persoas





seleccionadas da lista de reserva e incluídas nesta resolución, non presentou a documentación para obter o permex a pé no prazo que se lle indicaba e considerouse desistida.

Sétimo. O 19 de decembro de 2022 a Confraría de Vilaxoán solicita o emprego da lista de reserva para cubrir unha (1) praza vacante.

Mediante Resolución do 2 de xaneiro de 2023 da Xefatura Territorial da Consellería do Mar en Vigo autorizouse o emprego da lista de reserva para cubrir dúas (2) prazas (a última vacante solicitada pola confraría, así como a da persoa seleccionada na Resolución do 7 de decembro de 2022 que posteriormente desistiu da súa solicitude).

O 3 de xaneiro de 2023 publícase unha corrección desta resolución, para emendar un erro no nome dunha das persoas seleccionadas.

Oitavo. Comprobase que unha das persoas seleccionadas non achegou a documentación requirida para o outorgamento do permiso de explotación, dentro do prazo máximo establecido. Esta persoa foi declarada decaída no seu dereito á presentación de documentación e, en consecuencia, desistida da súa solicitude de outorgamento do permiso de explotación para o marisqueo a pé.

CONSIDERACIÓNS LEGAIS E TÉCNICAS

Primeiro. Esta Xefatura Territorial é o órgano competente para o outorgamento dos permisos de explotación de conformidade co establecido no Decreto 425/1993, do 17 de decembro, polo que se refunde a normativa vixente sobre o permiso de explotación para exercer a actividade pesqueira e marisqueira, modificado polo Decreto 114/2007, de 31 de maio e polo Decreto 48/2013, do 7 de marzo.

Segundo. A Orde da Consellería do Mar do 15 de xullo de 2011 pola que se regula o permiso de explotación para o marisqueo a pé (DOG nº 144 de 28 de xullo de 2011) establece no seu artigo 7 a constitución dunha lista de reserva integrada pola relación definitiva de persoas non seleccionadas que non foron excluídas do procedemento selectivo, cunha vixencia dun (1) ano que se contará desde o día seguinte ao da data de resolución da xefatura territorial.

A confraría de pescadores ou entidade asociativa, de conformidade coa agrupación sectorial, de estar constituída, poderá solicitar á xefatura territorial correspondente o emprego da lista de reserva nos seguintes supostos:

- a) Cando se produzan praza vacantes durante o proceso de outorgamento.
- b) Cando se produzan praza vacantes durante a vixencia dos plans de xestión correspondentes.

Xefatura Territorial de Vigo
Rúa Concepción Arenal, 8-4º andar
36201 Vigo (Pontevedra)
Tel.: 986817104
recursosmarinos.cmm.vigo@xunta.gal





A Resolución do 2 de xaneiro de 2023 da Xefatura Territorial da Consellería do Mar en Vigo autorizou o emprego da lista de reserva para cubrir dúas (2) prazas vacantes. Foi outorgado un permiso de explotación a unha das persoas seleccionadas, e a outra considerouse desistida da súa solicitude por non ter presentado dentro do prazo fixado a documentación necesaria. Tal e como se indica na resolución, neste suposto, emitirase unha nova resolución modificando esta, consonte aos prazos e forma recollidos nos parágrafos anteriores, declarando seleccionada/s a/as persoa/s que figuren na lista de reserva pola desistencia das persoas que non presentaron a documentación ou carecen dos requisitos.

Terceiro. Correspóndelle a esta Xefatura Territorial ditar esta resolución de acordo co disposto no Decreto 245/2009 do 30 de abril, polo que se regulan as delegacións territoriais da Xunta de Galicia.

Á vista do exposto, esta Xefatura Territorial, en virtude das competencias atribuídas,

RESOLVE:

Modificar a Resolución do 2 de xaneiro de 2023 da Xefatura Territorial da Consellería do Mar en Vigo e publicar o nome da persoa seleccionada para o outorgamento do permiso de explotación de marisqueo a pé na confraría de Vilaxoán:

Apelidos e nome	D.N.I.
BERMÚDEZ FERREIRA, JAVIER	* * * 7024 * *

Nota: ocúltase parcialmente o número de D.N.I. en aplicación das garantías de protección da súa divulgación, seguindo o establecido pola Lei orgánica 3/2018, do 5 de decembro, de Protección de Datos Personais e Garantía dos Dereitos Dixitais en relación á identificación dos interesados nas notificacións por medio de anuncios e publicacións de actos administrativos, así como a orientación para a súa aplicación da Axencia Española de Protección de Datos.

A persoa seleccionada deberá acreditar no prazo de quince (15) días hábiles, que se contarán dende o día seguinte ao que se publique esta resolución, os requisitos para obter o permiso de explotación; de non facerse así neste prazo, entenderase que decae do seu dereito. Debe presentar a seguinte documentación:

- Fotografía con indicación do seu nome e DNI.
- Documentación que acredite que a persoa non está incapacitada para exercer os labores de marisqueo.





c) No caso de non ter sido asinada a autorización da consulta: certificado que acredite que a persoa non é perceptora da renda de integración social de Galicia (RISGA). **As persoas perceptoras da renda de integración social de Galicia, deberán renunciar a ela.**

d) No caso de non ter sido asinada a autorización para a consulta: certificado da Seguridade Social que acredite que a persoa non é perceptora de pensións de xubilación, grande invalidez, incapacidade permanente absoluta, incapacidade permanente total, en favor de familiares.

e) No caso de non ter sido asinada a autorización para a consulta do certificado de mariscador no caso de que o posúan e non fose presentado coa solicitude: copia do certificado de mariscador. Aquelas persoas que non o posúan, terán que realizar o curso a primeira vez que sexan convocados - salvo causa debidamente xustificada - pola Dirección xeral de Desenvolvemento Pesqueiro.

A documentación requirida deberá dirixirse á Xefatura Comarcal do Mar en Vilagarcía de Arousa.

Se dentro do prazo fixado non presentase a documentación ou do exame dela se deducise que carecen dalgún dos requisitos sinalados na base I.2. da convocatoria do proceso selectivo do 1 de xuño de 2021, entenderase que desiste da súa solicitude (excepto o certificado de mariscador, apartado III. d) das bases da convocatoria). Neste caso, emitirase unha nova resolución modificándoa, na que se indicarán as persoas aspirantes seleccionadas pola desistencia das persoas que non presentaron a documentación ou carecen dos requisitos, outorgándolles un prazo de quince (15) días hábiles, que se contarán a partir do día seguinte ao da publicación da nova resolución, para que acheguen a documentación que figura na base III da convocatoria.

De conformidade co disposto nos artigos 121 e 122 da Lei 39/2015, do 1 de outubro, do Procedemento Administrativo Común das Administracións Públicas (BOE núm. 236, do 2 de outubro de 2015), contra esta resolución, que non esgota a vía administrativa, poderán interpor recurso de alzada ante a conselleira do Mar no prazo de un mes a contar dende o día seguinte ó da súa notificación.

A xefa territorial
Sonia Lorenzo Santos

